

KCPE KISWAHILI 2009

Soma vitungu vifuatavyo. Vina nafasi 1 mpaka 15. kwa kila nafasi umepewa majibu manne hapo. Chagua jibu lifaalø zaidi kati ya yale uliyopewa.

Kipepesi ni njia mojawapo 1 sana siku hizi 2 mawasiliano. Njia 3 hutumika zaidi ofisini 4 ni kati ya matokeo ya maendeleo ya kiteknologia 5 dunia kuwa duara ndogo 6 walimwengu huweza 7 kwa njia rahisi.

A	B	C	D
1. zilizotumika	zinazotumika	inayotumika	iliyotumika
2. katika	kuhusu	ndani ya	mbali na
3. hiyo	hizi	hizo	hii
4. ama	aidha	na	au
5. iliyoziwezesha	yaliyoziwezesha	iliyoziwezesha	yaliyoziwezesha
6. ambayo	ambao	ambapo	ambalo
7. kuwasiliana	kuwasilisha	kuwasilishwa	kuwasilishiana

Kuweko kwa 8 ya UKIMWI 9 swala la mjadala tena. 10 ni watoto wachanga tu amba 11 ukweli huu 12. Hata hivyo, Hatuwezi kupoteza tumaini 13. Wanasyansi wa humu nchini na kwingineko duniani 14 wanaendelea na 15 wao kutafuta tiba.

A	B	C	D
8. magonjwa	maradhi	uwele	ukongo
9. ni	si	ndio	sio
10. Kwa vile	Angalau	Ikiwa	Labda
11. hawaujui	wanujuu	huujuu	hawakuujuu
12. mchungu	mkubwa	ukubwa	uchungu
13. pia	kweli	kabisa	hakika
14. walikuwa	wangekuwa	wanakuwa	wangali
15. upelelezi	uddodosi	uamuzi	utafiti

Kutoka swali la 16 mpaka 30. Chagua jibu lililo sahihi

16. "Ka" imetumiwaje katika sentensi:

Mvulana aliwasili nyumbani, akavua nguo, akafululiza jikoni, akala?

- A. kuonyesha hali ya kuendelea kwa matukio
- B. kuonyesha hali ya kufuatana kwa matukio
- C. kuonyesha hali ya masharti.
- D. Kuonyesha hali ya wakati uliopita.

17. Kanusha sentensi hii:

mahali kuliko na gharika kwahitaji msaada.

- A. mahali kuliko na kiangazi hakuhitaji msaada .
- B. mahali kuliko kiangazi kwahitaji msaada.
- C. Mahali kusiko na gharika kwahitaji msaada
- D. Mahali kusiko na gharika hakuhitaji msaada.

18. Chagua jawabu lisilo sahihi.

- A. paa ni mnyama
- B. Paa ni kwenda juu
- C. Paa ni sehemu ya mbele ya uso
- D. Paa ni sehemu ya juu ya nyumba,

19. Geuza katika usemi wa taarifa
Mwalimu aliwaambia wanafunzi,

"Tutakamilisha shughuli ya kudurusu kwa kufanya mtihani muhula huu"

- A. Mwalimu aliwaarifu wanafunzi kuwa wangekamilishi shughuli ya kudurusu kwa kufanya mtihani muhula huo.
- B. Mwalimu aliwaarifu wanafunzi kuwa wangekamilishi shughuli ya kudurusu kwa kufanya mtihani muhula huu.
- C. Mwalimu aliwaarifu kuwa watakamilisha shughuli ya kudurusu kwa kufanya mtihani muhula huu.
- D. Mwalimu aliwaarifu wanafunzi kuwa watakamilishi shughuli ya kudurusu kwa kufanya mtihani muhula huo.

20. "Wa" imetumikaje katika sentensi:

Uzi mweupe wa kushonea umenunuliwa?

- A. Kuonyesha kumiliki
- B. Kuonyesha matumizi
- C. Kuonyesha kitenzi
- D. Kuonyesha hali

21. Panga vifungu vifuatavyo kuunda sentensi sahihi.

- (i) huyafukua
- (ii) kila tukipanda
- (iii) mahindi

- (v) na kuyala
 (vi) kuchakulo
 A. (ii), (iii); (v), (i), (iv)
 B. (i), (iv), (iii), (v), (ii)
 C. (ii), (iii), (iv), (v), (i)
 D. (i), (v), (ii), (iii), (iv)
22. Nomino kutokana na kitenzi 'nyamaa' ni:
 A. Nyamazia B. kunyamavu
 C. Nyamaza D. unyamavu
23. Zabuni ni:
 A. kuuza kwa kuongezea bei
 B. kuuza kwa kushindania bei
 C. kuuza kwa rejareja
 D. kuuza kwa kukopesha
24. Ni methali ipi iliyo na maana tofauti na maelezo haya? Ukitosoma ukurasa mmoja mmoja utakamilisha kitabu chote.
 A. Bandu bandu huisha gogo.
 B. Chovya chovya humaliza buyu la asali
 C. Tone na tone bahari hujaa
 D. Chururu si ndo ndo ndo
25. Changua kiwakilishi katika sentensi;
 Huyu anaupinga vikali ujisadi
 A. ujisadi
 B. vikali
 C. anaupinga
- D. huyu
 26. Mazingira, machozi na mate ni nomino katika ngeli ya
 A. YA-YA B. I-ZI
 C. LI-YA D. U-YA
27. Chagua kiambishi kifaacho kujazia pengo:
 Farasi hata shinda nyumbu
 A. i B. ii C. m D. zi
28. Chagua neno lenye maana sawa na minghairi ya:
 A. mradi B. pasipo
 C. isipokuwa D. bali
29. Jibu la kitendawili
 Afahamu kuchora lakini hajui achoracho ni:
 A. mjudi
 B. kobe
 C. konokono
 D. nyoka
30. Chagua sentensi ambayo imetumia kihisishi kifaacho.
 A. Simile! Mpishe mwenye mzigo
 B. Pole jamani! Mmepata afueni nyote.
 C. Alhamdulilahi! Mali yote imeporwa.
 D. Pukachaka! Amependekeza suluhisho nzuri.

Soma kifungu kifuatacho kisha ujibu maswali 31 – 40

Jamii thabiti huhitaji misingi madhubuti ya makuzi ya watoto. Hoja ya wazazi isiwe tu kujitafutia mali kiholela bali iwe ni kuwatambua warithi wa mali inayotafutwa. Hii ndiyo maana wazazi wengi leo hujikusuru kuisimamisha misingi ya malezi bora ya watoto kwa kuwasomesha.

Kumsomesha mtoto tu bila msingi wa nidhamu ni kama kulijenga jumba la ghorofa bila msingi imara na kuperomoka kwake si ajabu. Vijana wanapaswa kuelewa umuhimu huu ili wawe tayari kuupokea uongozi na urathi wa jamii.

Misingi madhubuti ya kinidhamu hujengwa tangu watoto wakianza kutambua mambo. Kungoja mpaka mtoto awe mkubwa ndipo aanze kufunzwa maadili ni kama kujaribu kumkunja samaki akiwa tayari amekomaa na kuwa mkavu; udongo tuuwahi uli maji.

Hapo kale mambo yalikuwa tofauti. Mtoto aliweza kukosolewa na mtu ye yote yule hata kama alikuwa ni mpita njia. Watoto walikwa ni wa jamii, hulka zao zilionekana mapema kama vile nyota njema zionekanavyo alfajiri. Watoto walikuwa wakitenda mambo huku wakijihisi kuwa wanakodolewa macho na jamii. Hisia hizo ziliwafanya watoto kujichunguza, kujiasa na kutenda kila jambo kwa tahadhari. Watoto waliwaheshimu watu wazima bila kushurutishwa, hali ambayo ilijenga uhusiano mzuri katika jamii.

Mtoto afunzwaye adabu ipasavyo kawaida hawesi kutetereka popote alipo, shulenii au nyumbani. Mtoto kama huyo kufanywa zumbukuku na watou wa nidhamu sio rahisi, bali atawezza kuchukua nafasi ya walimu na wazazi kuyapitisha maadili mwafaka kwa wenzake. Mtoto huyó hukuza mbegu bora katika jamii. Yeye hujistahi, huwa na bidii na uvumilivu mwiningi. Wazazi wakilea watoto wa aina hii na wayaongezee mafunzo ya kidini, jamii itakuwa na uhakika wa kuwa na warithi bora. Watoto hao wataweza kuchangia pakubwa katika maendeleo ya nchi kwa jumla.

Ipo haja kubwa sasa ya kuacha kung'ang'ania kasumba na tamaduni za kigeni katika malezi. Tuache ubaguzi, uvivu na ubinagsi ili kuwapa watoto mifano bora na miangaza ya kuwakuza kifikira, kielimu, kiuchumi na kitamaduni. jamii isipuuze kutoa michango yake katika urekebishaji wa watoto. Mathalani, ni makosa mtu na kuachá kumkosoa mtoto atendaye mambo ya kuyahatarisha maisha yake na ya wenzake.

Watoto hata nao wana jukumu katika kuyaimarisha maisha yao. Wanapaswa kuziepuka tabia zote mbaya hata ikiwa hawapewi misingi makwao. Wanawenza kuziiga jamii nyofu kinidhamu hata ikiwa sio wazazi wao na kuyatupilia mbali mambo maovu ambayo yanawazunguka katika jamii. Ni vizuri wajue kuwa urithi bora ni ule wa kuiga tabia nzuri, bidii na kupata elimu yenye manufaa.

31. Kulingana na kifungu, misingi bora ya watoto hukuzwa kwa:
- wazazi kutotafuta mali na kuwasomesha waridhi
 - kuujua umuhimu wao na kuwapa maelekezi
 - kuwa na misingi madhubuti shulenii
 - kufunza watoto kujiruhusu kiuchumi
- 32 Maana ya "kuporomoka kwake si ajabu" ni?
- haishangazi ikiwa ghorofa itaanguka
 - malezi ya watoto kuharibika si kazi
 - wazazi kushindwa malezi si ajabu
 - kufunza watoto kujiruhusu kiuchu
33. Amekomaa na kuwa mkavu; huweza kulinganishwa na:
- ugumu wa malezi
 - madhara ya ucheleweshaji wa kutunza
 - madhara ya ucheleweshaji wa masomo ya watoto
 - ugumu wa kuwakosoa watoto.
34. Watoto wa zamani _____.
- walilelewa kwa ugumu
 - waliwaogopa wazazi waliowalea
 - walikomaa kwa haraka
 - walilelewa kwa ushirikiano
35. Watoto kuhisi kuwa wanatazamwa na jamii kuliwafanya waweze:
- kuithamini jamii zaidi
 - Kuiogopa jamii majumbani
 - Kuwajibika katika jamii
 - Kurekebisha tabia katika jamii
36. Kulingana na kifungu, ubaguzi katika malezi hutokea:

- wazazi wanapopuuza kurekebisha makosa ya watoto wao tu.
 - Wazazi wanapoanza kuwasomesha watoto wao tu
 - Jamii inapoanza kuwakodolea watoto macho bila kuwasaidia
 - Vijana wanapopuuza ushauri wa wanajamii wengine
37. Watoto hata nao wana jukumu katika kuyaimarisha maisha yao. Methali inayoweza kutumiwa kujumuisha maneno haya ni:
- mtoto umleavyo ndivyo akuavyo
 - ukishikwa shikamana
 - ukibebwa usilevyelevye miguu
 - mtoto akibebwa hutazama kisogo cha nina.
38. Warithi bora katika jamii hukuzwa kwa:
- Malezi bora na elimu
 - Kuheshimiwa na wakubwa
 - Malezi ya kizamani
 - Kuaminiwa na jamii.
39. Maana ya "hawezi kutetereka" ni:
- Hawezi kubabaika
 - Hawezi kupotoka
 - Hawezi kushawishika
 - Hawezi kutetemeka
40. Chagua neno lenye maana sawa na hujistahi kama lilivyotumiwa katika kifungu.
- Hujisifu
 - Hujipenda
 - Hujiamini
 - Hujiheshimu.

Soma taarifa ifuatavyo kisha ujibu yafuatavyo 41 mpaka 50

Asubuhi hiyo Tundu aliamka akiwa mchovu wa mwili na roho. Ulikuwa mwanzo wa siku ambayo kwake Tundu ilifanana na zingine za awali kama shilingi kwa ya pili. Katu haingempa matumaini mapya. Usiku uliopita ulizongwa na hamaniko na mavune makubwa kutokana na shughuli za kutwa shulenii. Kutwa hii alikuwa amepewa adhabu ya kupalilia shamba la shule baada ya kukosa kufanya zoezi la hesabu. Ingawa kufanya adhabu kulikuwa mazoea yake Tundu, hii ya leo ilikuwa ya kipekee kwani hata baada ya kuikamilisha, mwalimu mkuu alimpa nyongeza; alihitaji kuyafanya mazoezi mengine mawili zaidi na kumkabidhi mwalimu kesho yake asubuhi.

Tundu alijikokota kutoka kitandani kwa maumivu. Alija kwamba hakuwa ameikamilisha kazi aliyopewa na mwalimu mkuu. Fikira ya kumkabili mwalimu mkuu ilimtia fadhaa ya ajabu, ila alifahamu sababu ya fadhaa yake. Vituko vyake vilikuwa vimewakaba walimu koo. Alikuwa hahudhuri madarasa yake kwa desturi. Mara nyingi alitoka nyumbani alfajiri na mapema. Hata hivyo hakudiriki kufika shulenii; japo kwa kweli alikuwa akivaa sare za shule kuwasadikisha wazazi kuwa anaenda shulenii. Wazazi wake walipojuzwa na walimu wake kuhusu tabia hii, walipigwa na butwaa wasijue la kusema. Waliwaambia walimu kwamba kila siku Tundu alikuwa akiondoka akiwa amevaa sare kamili ya shule, na aliporejea nyumbani magharibi alifululiza chumbani kudurusu kazi yake. Laiti wangalija Tundu alikuwa akivaa magwanda yake ya 'kazi' ndani ya sare za shule na pindi tu apoteapo kwenye upeo wa macho ya wazazi, alikuwa akijitoma kwenye mashamba ya majirani kujichumia.

Baada ya kupata stafatahi yake ambayo kwa kweli ilikuwa chai ya mkandaa, alivaa mavazi yake ya kawaida na kujambia kwamba leo atamngojea mwenzake njiani wauczeze 'mchezo' wake wa kawaida. Alipofika kwenye njia panda alivua sare yake ya shule na kubaki na vazi la 'kazi'. Mwanafunzi mwenzake kwa jina Karaha alijiunga naye na baada ya Tundu kumwelezea kuwa alichelea kuongezewa

adhabu na mwalimu mkuu, walikata shauri kulitembelea shamba la mwalimu mkuu ambalo ilikuwa mkabala na shule yao.

Shamba hili ilikuwa limeshiba miti iliyozaa matunda ya kila aina. Tundu, mate yalimdondoka alipokuwa akiyatundulia macho matunda haya. Umaskini wa familia yake ulisahaaulika machoni pa utajiri huu asioulalia wala kuuamkia. Walinyata kimya kimya katikati ya miti hii, manyezi yakimkumbatia Tundu kwa nguvu. Hii haikuwa mara yake ya kwanza kufaidi jasho la wengine, hivyo hakusita kujiuliza sababu ya uoga huo. Jambo ambalo Tundu hakutambua ni kwamba siku yake ya arubaini ilikuwa inabisha hodi.

Haukupita muda mrefu baada ya kuanza kuyatunda matunda kabla ya kusikia mrindimo wa nyayo. Kahara, ambaye hakuwa mzoefu wa vitimbi vya Tundu, alitoa macho pima kwa uoga. Tundu aliendelea kufurahia kiamsha kinywa chake hadi pale alipotahamaki kuguswa begani. Alipogeuka alijikuta ametazamana ana kwa ana na mwenye shamba. Tundu alishikwa na kitetemeshi asijue la kufanya. Alipouliwa sababu ya tabia yake hii, alisema kwamba wazazi wake maskini hawakumudu kumtimizia mitihani yake ya kimsingi. Kahara naye aliaachama asijue la kufanya.

Mkuu wa shule alisikitishwa sana na kitendo cha wanafunzi hawa. Alimshauri Tundu aache tabia hii na kuyazingatia masomo yake zaidi. Alimwonya Kahara dhidi ya kuwa bendera ambayo daima ufuata upepo. Aliwarudisha vijana hawa shulenii na baada ya kushauriana na walimu, alifanya mpango wa kumtafutia Tundu mshauri wa kumsaidia kurekebisha tabia yake.

41. Siku hii ilifanana na zingine za awali kwa sababu:

- A. Tundu aliamka akiwa mchovu
- B. Usiku uliotangulia alikuwa na mambo mingi
- C. Usiku uliotangulia hakuepuka adhabu
- D. Tundu hakutarajia kupata lolote jema

42. Maana ya neno "ulizongwa" ni:

- A. ulijawa
- B. uliingia
- C. ulishikwa
- D. ulivamiwa

43. Kulingana na kifungu

- A. aliyekosa kufanya mazoezi kila mara alipata adhabu mbili
- B. kulikuwa na wanafunzi wachache mno wenyre tabia kama Tundu
- C. tundu hakupenda kufanya kazi yake shulenii
- D. adhabu aliopewa Tundu siku hii alikuwa ameizoea.

44. Tundu alichelea kutoka kitandani kwa sababu

- A. hakuwa amekamilisha kazi hivyo alimwogopa mwalimu mkuu
- B. alikuwa mtovu wa nidhamu
- C. aliogopa kuongezewa kazi na mwalimu
- D. hakuwa mwenye adabu hivyo aliogopa kuadhibiwa na mwalimu mkuu.

45. ".....alivaa mavazi yake ya kawaida" ina maana

- A. alivaa nguo na magwanda yake ndani
- B. alivaa nguo na magwanda ya kawaida
- C. alivaa sare na magwanda yake ndani
- D. alivaa sare na nguo za nyumba

46. maana ya "wauczeze 'mchezo'wake wa kawaida" ni:

- A. wavae magwanda yao ya kawaida
- B. waibe katika mashamba ya majirani
- C. watoroke tena kutoka shulenii

D. walivamie shamba la mwalimu mkuu.

47. siku hii Tundu hakwenda shulenii kwâ sababu

- A. hakutaka kupewa adhabu nyininge na mkuu wa shule
- B. hakutaka kupigwa kelele na mwalimu
- C. alitaka kulipiza kisasi kwa mkuu wa shule
- D. mkuu wa shule alikuwa ameyaingilia mambo yake

48. "Siku yake ya arubaini ilikuwa inabisha hodi" ina maana;

- A. uvivu wake ulikuwa karibu kugunduliwa
- B. mkuu wa shule alikuwa karibu kumwadhibu vikali
- C. mkuu wa shule alikuwa karibu kumpa onyo la mwisho
- D. uovu wake ulikuwa karibu kugunduliwa

49. Matendo yanayoonyesha kuwajibika kwa walimu ni _____.

- A. kumrudisha Tundu shulenii, kumgusa begani, kumpa mashauri
- B. kumtimizia Tundu mahitaji, kumwadhibu, kumfumania
- C. kutoa adhabu, kutoa ushauri, kumrudisha Tundu shulenii
- D. kumsikitia Tundu, kumrekebisha tabia, kumwonya

50. Kulingana na kifungu

- A. Kahara ana mazoea ya wizi
- B. Kahara hana msimamo
- C. Kahara aliadhibiwa na mwalimu
- D. Kahara alirekebisha tabia.